

NGIR
Lindåsvegen 1260
5956 HUNDVIN

31. oktober 2022

Fedje Kommune
Stormarkvegen 49
5947 FEDJE

Tilbod om å overta faktureringa av renovasjons- og slamgebyr på Fedje.

NGIR vil med dette tilby Fedje kommune å ta over administrasjon, fakturering og sakshandsaming av renovasjons- og slamtømmegebyr på Fedje. Skulle det berre vera aktuelt med overtaking av renovasjon er dette òg aktuelt for NGIR.

NGIR organiserer og drifter både renovasjonstenestene og slamtømmetenestene for eigarkommunane. Kommunane har ikkje oppgåver knytt til utføring av tenestene. Utgiftene som NGIR har, vil bli/blir dekkja av høvesvis renovasjonsgebyr og slamgebyr frå innbyggjarane.

Utrekning og fastsetjing av gebyra skal følgja sjølvkostregelverket. Eigarkommunane godkjenner gebyra kvart år, etter vedtak i NGIR sitt representantskap. NGIR har frå før alt ansvaret for sakshandsaming og administrasjon av renovasjonstenestene med unntak for Fedje. Utrekning av satsane og innkrevjing av gebyra blir gjort heilt og fullt av NGIR.

Når det gjeld slamtømmeordninga, er det førebels Alver, Gulen og Solund som har overført administrasjonen av denne tenesta til NGIR. Det vil seie at NGIR krev inn gebyra direkte frå abonnentane i Alver, Gulen og Solund kommune, til liks med renovasjonsgebyra elles. Dei andre kommunane har eit eige apparat for å administrere slamgebyra.

Når kommunane nyttar eigne apparat for administrering av gebyr får gebyret som NGIR har fastsett, i tråd med sjølvkostregelverket, eit administrativt påslag som abonnentane må dekkja i tillegg.

NGIR har alle abonnentane på Fedje registrert i sitt abonnementssystem (må berre gjerast oppdatering på kunderegister) og har eit fungerande system for utstyrsadministrasjon (t.d. ordningar for levering/byting av bosspann, registrering av slamtankar m.m.). Det er likevel vanskeleg å halde dette oppdatert når NGIR ikkje sjølv fakturerer direkte til abonnentane. NGIR har kartfesta alle slamtankane i Nordhordlandskartet og er kopla opp mot alle data frå

den som utfører sjølve tømminga. Alt er synkronisert mot KomTek hjå NGIR, slik at tømmedata og avvik til ei kvar tid er oppdatert.

Etter kvart som digitale løysingar og digital kommunikasjon har utvikla seg, kan oppgåver knytt til desse data gjerast med lengre avstand frå brukarane enn tidlegare utan at tenestenivået reduserast. NGIR jobbar med å tilby betre og meir effektive løysingar til innbyggjarane og for at desse skal vera tilgjengeleg og for innbyggjarane på Fedje er det viktig at NGIR har oppdaterte data noko som best ivaretakast ved at NGIR fakturerer og har direkte kontakt med innbyggjarane. Mellom anna jobbast det med løysingar for utvida avfallsmottak for grovavfall og sortering for fritidsbustadar.

NGIR kan ta på seg oppgåva med renovasjonstenestene og slamtømminga utan at dette fører til auka kostnader for Fedje kommune. Alle kostnader dekkjast av gebyra, og kommunen vil ikkje få noko faktura frå NGIR på arbeidet slik kommunen får i dag. Dersom NGIR overtar saksområdet, blir renovasjons- og slamgebyra lik for alle abonnentane i alle eigarkommunane i NGIR. Ein vil då ikkje få ev. påslag (nemnt tidlegare) som kan variera frå kommune til kommune, og kommunen og innbyggjarane får ei føreseieleg ordning.

Nye forskrifter viser tydeleg det ansvar og dei pliktar kommunane, blant anna gjennom NGIR, har (Forskrift om innsamling og handsaming av hushaldsavfall Alver, Austrheim, Fedje, Gulen, Masfjorden, Modalen og Solund kommuner, Vestland (vedtatt 28.10.2021 sak 070/21) og Slamtømmeforskrifta (vedtatt 10.12.2020 sak 094/20). NGIR vonar at ein gjennom etablerte system og kunnskap, kan hjelpa kommunen å nå dei krav og forventningar som ligg føre, og avhjelpa med handtering av naudsynte og lovpålagte oppgåver, i samsvar med gjeldande lovverk.

I samband med sakshandsaminga av slam vil ikkje handsaming knytt til sjølve utsleppsløyve inngå i slamtømmeordninga og dette vil difor ikkje bli overført til NGIR, då dette er knytt til byggesakshandsaminga og må gjerast av kommunane sjølve i alle høve.


Eit vedtak om at NGIR skal overta sakshandsaming og administrasjon av sjølvkostområdet for renovasjons- og slamtømmeordninga må gjerast av Fedje kommunestyre, jf. § 83 i «Lov om vern mot forureining og om avfall».

Fedje kommunestyre har allereie vedteke det som trengs for at NGIR skal overta fakturering av renovasjonsgebyra, men må vedta endring av eit av punkta i sak 070/21. Dette er siste del av vedtaket som byrjar med «Forslag til ny lokal forskrift om innsamling og handsaming av hushaldningsavfall vert vedteke, ...» Siste del av setninga; «men slik at Fedje kommune sjølv skal krevje inn renovasjonsgebyr frå eigedomar i kommunen for oppsamling, innsamling, transport og handsaming av hushaldsavfall.», opphevast med eit eiga vedtak frå ei bestemt dato og det er då klart for at NGIR tek arbeidet med renovasjonsgebyret.

Når det gjeld slamtømmeordninga må det gjerast eit vedtak om at «NGIR tek over arbeidet med administrasjon av slamtømmeordninga frå xx.xx.2xxx., med heimel i § 83 i «Lov om vern mot forurensninger og om avfall» og Forskrift for slamtømming, Fedje kommune.».

NGIR vonar at det vil vera interessant for Fedje kommune å vurdera dette tilbodet frå NGIR, og ser fram til vidare dialog om saka. Kontaktperson i NGIR er fagleiar forvaltning renovasjon og slam, Henrik Kjøpstad, som kan kontaktast på e-post henrik.kjopstad@ngir.no eller på tlf. 56 34 33 16

Med venleg helsing



Ove-Christian Fredriksen
økonomisjef og nestleiar



Henrik O. Kjøpstad
fagleiar forvaltning renovasjon og slam